

PEPA O FAAMATALAGA

Feiloa'iga a le Komesina o Sulufaiga ma le Komesina o Peretania i Samoa.

Apia, Samoa – 12 Aukuso 2026

O le asō na feiloa'i atu ai le Komesina o Sulufaiga a Samoa, le Afioga Vui Clarence Nelson, i le Sui Komesina o Peretania i Samoa, Afioga H.E Daniel Garlick

O se avanoa tãua mo le Komesina o Sulufaiga e feiloa'i ai ma le Afioga Daniel Garlick ma talanoaina ai auala mo faiga-fa'apa'aga ma le fa'aauauina o le galulue fa'atasi o Ofisa e lua.

Talu ai nei na autova'a atu sui sinia o le Ofisa o Sulufaiga i se fonotaga na faia i Lonetona i le masina o Mati. Ma o lea malaga sa mafai ona faataunu'uina i le lagolago malosi a le Ofisa o le Komesina o Peretania, i lona tulagatofi fa'a-Taitaifono o le (CFNHRI). Na mafai ona fa'atautaia e Sui nei o le Ofisa se faatalatalanoaga aloa'ia mo Aiā Tatau a Tagata i tulaga fa'ava-fealoa'i o tagata, ma sa auai ai Fa'alapotopotoga mo Aiā Tatau mai atunu'u o le Taupulega ma o le saunoaga 'autu na saunoa iai le Afioga John Virgoe o se Ofisa Sinia o le Taupulega. Na taualuga nei faatalatalanoaga i le tu'ufa'atasia ma le faalauiloaina o se ta'utinoga mo Aia Tatau mo Tagata Lautele.

O le Ofisa foi o le Komesina o Peretania sa lagolagoina Sui o le Ofisa o Sulufaiga a Samoa i le taitai'a o le Fono Fa'ale-tausaga a le (CFNHRI) lea na usuia i Sineva, Suitiselani i le Aso 02 Aperila, ma toe filifilia ai le Ofisa o Sulufaiga i Samoa i le tulaga taitaifono.

O le a fa'aauauina pea lea faigapa'aga ma le Ofisa o le Komesina o Peretania Tele, mo le unaia ma le atinaeina o tiute tauave o le Ofisa o Sulufaiga i totonu o le Taupulega.

-----MĀE'A-----